



Phosphorvs sive Ioannes Baptista nativitas, vita, mors

Cabilliau, Baudouin

Lovany, 1642

Epigram. Angelus eum consolatur.

[urn:nbn:de:hbz:466:1-70001](https://nbn-resolving.org/urn:nbn:de:hbz:466:1-70001)

cuius in parte orientali Bethlehens versus, erat hortus suburbanus Zacharia, in quo Elisabeth Deiparam excepit. Vbi in templo semirato, Christiani peregrini canunt Magnificat. In parte verò Occidentali, erat domicilium Zacharia; vbi B. Virgo tres menses egit. Ioannes Boucher qui locum vidit lib. 3. cap. 7. du Bouquet sacré.

Epigram. 2.

Zacharias suam sterilitatem deflet.

Heu! viduo culmo spes occidit omnis in herbâ,
 Quam vetus ex sanguine pulvere damnat hiems.
 An spes nulla nouis viret ergo superstes aristis?
 Flos adeò pulcher, iam cinis alter erit?
 Quid? moriemur, (ait) vidua cum coniuge coniux,
 Nomen inane? cadet sic sine fruge seges?
 Quid nisi *ve*, sterili sua cui spes excidit æuo?
 Sed mihi quis dextrâ tinnit ab aure sonus?

Epigram. 3.

Angelus eum consolatur.

CRede Deo; nec enim Genio, ceu rere, sinistro,
 Vita perit, longis immoritura malis.
 Quis credat? seges hibernum noua crescet ad Eurum.
 Spemque, vbi spes abiit, sera inuenta seret.
 Testis Abram, testis Manue, sit & Elcana testis;
 Altera Sara pari cui fuit Anna sinu.
 Si non hîc Abraham, proauus tot nepotum: *tot retro nepotum*
 Par Abrahamæ saltem, viuet imago nepos.

Epigram. 4.

Elisabeth concipit Ioannem.

CVi gelidâ spem fraudat hiems defœta senectâ,
 Infelixque vteri dedecus atra notat,

Rides